

**Ikinyarwanda
PK**

19/07/2022 01:30 - 03:30PM



NESA NATIONAL EXAMINATION AND SCHOOL INSPECTION AUTHORITY

Inomero yuzuye y'umunyeshuri

Intara/ Akarere Umurenge Ishuri Ikitro Umunyeshuri Umwaka

Umujyi 3 6 0 0 0 3 PK 0 1 1 2 0 2 2

Amazina y'umunyeshuri:

Izina ryawe bwite: N.....

Andi mazina yawe:.....

Ikitonderwa:

INOMERO YUMUNYESHURI N'AMAZINA YE BIGOMBA
KWANDIKWA NK'UKO BIGARAGARA KU
IFISHI YUMUNYESHURI.

IKIZAMINI CYA LETA GISOZA AMASHURI ABANZA 2021-2022

IKINYARWANDA

Igihe kimara: Amasaha abiri (2h00)

Amanota: /100

Amabwiriza:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibibazo makumyabiri na bitanu (25). Mbere yo gutangira banza ugenzure niba ibibazo byose byuzuye.
- 3) Ikizamini kigizwe n'ibice bine:
 - Igice cya mbere: Kumva no gusesengura umwandiko (amanota 30)
 - Igice cya kabiri: Ikkibonezamvugo (amanota 25)
 - Igice cya gatatu: Ubumenyi rusange bw'ururimi (amanota 30)
 - Igice cya kane: Ihangamwandiko (amanota 15)
- 4) Ibisubizo bigomba kuba bifututse kandi byuzuye.
- 5) Gusiribanga no guhindagura ibisubizo bifatwa nko gukopera.
- 6) Birabujijwe kugaragaza umwirondoro wawe ahatabugenewe.
- 7) Ukurikize amabwiriza ari kuri buri kibazo.
- 8) Koresha gusa ikaramu y'ubururu cyangwa iy'umukara.

INKWAVU MU BANTU

Kera habayeho abana babiri, umukobwa akitwa Karabo, umuhungu akitwa Shema. Shema yari muto kuri Karabo. Iwabo bari baturiye ishyamba. Iryo shyamba ryabagamo inyamaswa yitwa Bakame, ikaba n'inshuti yabo magara. Yakundaga kubafasha gutashya, barangiza ikabaherckeza, ikabarenza ishyamba, hanyuma ikagaruka. Ibyo biba igihe kirekire, kugera ubwo Bakame yisuje kujujana na bo ngo bibanire.

Umunsi umwe, Karabo na Shema baza gutashya, Bakame ibabonye, iribwira iti: "Uyu munsi ntibanshika ndatahana na bo. Karabo na Shema bayikubise amaso, barishima, barayihobera, ibasaba ko bakwijyanira. Mu gihe bakibitekerezaho, imvura iba iraguye. Bajya kugama, bambuka umugezi, biroha mu buvumo, basanganirwa n'impyisi." Impyisi ikubise amaso Bakame n'abana iriyamira iti: "Murakaza neza mboga zizanye! "Bakame isubiza Warupyisi iti: "Ngo zizana! Uzi ukuntu uyu muhigo wanduhije? Bakame iti: "Kandi Bihehe njya mbona uzaba Barihima. Ubwo se ko uyu muhigo nawukuzaniye, ngira ngo twumvikane uko dukwiye kubana, ku buryo igihe uzaba nta kintu waramuye nzajya ngufasha guhiga, none nundyia uraba wungutse iki ko n'ubundi uzongera ugasonza?"

Warupyisi ibaza Bakame iti: "None uragira ngo tubigenze dute?" Bakame iti: "Aho twambukiye, nahabonye igit ikipapayi, ndagira ngo umfashe dusarure amapapayi nabonye yeze ndi burye, ubwo nawe uri bube wica isari. " Warupyisi iti: "Waretse se nkaba nsamuye aka gato, umukuru nkaza kumwikuza nyuma?" Karabo na Shema babyumvise barushaho kugira ubwoba. Bakame ibwira Warupyisi iti: "Ihangane dore imvura irahise, ahubwo reka tugende umfashe gusoroma ayo mapapayi, turire rimwe. Warupyisi iti: "None se ko ntazi kurira ibiti ndakumarira iki? "Bakame iti: "Nta cyo bitwaye, turifashisha umwe muri aba bana."

Warupyisi, Bakame, n'abana barasohoka, berekeza iruhande rwa wa mugezi wari wuzuye. Bakame ibwira Shema iti: "Ambukira kuri kiriya kiraro, wurire kiriya gitiki kipapayi, nugerayo ndakubwira ikindi uri bukore. "Irahindukira ibwira Warupyisi iti: "Nawe ugiye guhagarara muri ariya mazi, uriya mwana natera ipapayi, wowe urikubite umutwe nk'utera umupira ringereho." Bakame ikimara kuvuga ityo, Warupyisi yihutira kujya guhagarara mu mazi itabanje kubitekerezaho. Yikubita mu mazi, imira nkeri, irashya imigeri, ihita ipsa. Bakame yiterera hejuru iti: "Turarusimbutse." Ihamagara Karabo, ibwira na Shema iti: "Imanukire dutahe, Warupyisi yapfuye." Bakame ijyana n'abana, nuko ibana n'abantu gutyo, iba aho, irabyara, irororoka. Inkwavu ziba zikwiye mu bantu kubera abana.

Si ge wahera, hahera Warupyisi.

IGICE CYA MBERE: KUMVA NO GUSESENGURA UMWANDIKO (amanota 30)

- 1) Uyu mwandiko ni bwoko ki? Sobanura igisubizo cyawe. **(amanota 2)**
.....
.....
.....
- 2) Andika abantu batatu (3) bavugwa muri uyu mwandiko. **(amanota 3)**
.....
.....
.....
- 3) Shema na Karabo basitanye iyihé sano? **(inota 1)**
.....
.....
.....
- 4) Garagaza ibintu bitatu (3) Bakame yafashijemo abana muri uyu mwandiko.
(amanota 3)
.....
.....
.....
- 5) (a) Ni ikihe kifuzo Bakame yari imaranye igehe ikimara gucudika n'abana?
(inota 1)
.....
.....
.....
- (b) Icyo kifuzo yaba yarakigezeho? **(inota 1)**
.....
.....
.....
- 6) Abana bahuriye he n'impyisi? **(inota 1)**
.....
.....
.....
- 7) Bari bagiye gukora iki bahura n'impyisi? **(inota 1)**
.....
.....
.....
- 8) Abana bakijijwe na nde? **(inota 1)**
.....
.....
.....
- 9) Ni bande batumye inkwawu ziba mu bantu? **(inota 1)**
.....
.....
.....
- 10) Andika amakabyankuru abiri (2) dusanga muri uyu mwandiko. **(amanota 2)**
.....
.....
.....
- 11) Shaka mu mwandiko amagambo afite ibisanuro bikurikira: **(amanota 5)**
(a) Gushaka inkwi mu ishyamba:
(b) Bayibonye :

- (c) Kumurya nyuma:
- (d) Ntitugipfuye:
- (e) Imira amazi menshi:
- 12) Uzurisha izi nteruro amagambo akurikira ukuye mu mwandiko: **ishyamba, kurira, gutashya, amapapayi** (amanota 4)
- (a) Abana bagiyemu ishyamba.
- (b) Buri munsi turya imbuto z'
- (c) Tugomba gufata nezakimeza kuko rikurura imvura.
- (d) Uriya mwana azi..... ibiti wagira ngo ni inkende.
- 13) Subiza na “**ni byo**” cyangwa “**si byo**” ukurikije ibivugwa mu mwandiko: (amanota 4)
- (a) Bakame ntifuzaga gutahana n'abana.
- (b) Shema na Karabo baravukana.
- (c) Abana bagiye kugama mu buvumo imvura iguye.
- (d) Warupyisi yariye Karabo na Shema.

IGICE CYA KABIRI: IKIBONEZAMVUGO (amanota 25)

- 14) Shyira utwatuzo dukwiye ku nteruro zikurikira : (amanota 3)
- (a) Iyo nkuru yabereye he
- (b) Mbega amasomo meza
- (c) Tugomba kugira neza
- 15) Hanga interuro ngufi ugaragaze ibice by'ingenzi biyigize. (amanota 4)
-
-
- 16) Simbuza utudomo icyungo gikwiye muri ibi bikurikira: **kandi, na, nkanswe, cyangwa, nako** (amanota 5)
- (a) Kamana Safari baravukana.
- (b) N'inyange zirapfa ibiyoni!
- (c) Ntira ntiza igare nyarukire ku maduka.
- (d) Yanze kuza namutumiye.
- (e) Ngwino tugende ngusige.
- 17) Hanga interuro ngufi zigaragaramo ibi bikurikira : (amanota 5)
- (a) Umugereka w'inshuro
- (b) Ikinyazina ngenga
- (c) Ntera
- (d) Imbundo

- (c) Igisantera
- 18) Garagaza uturemajambo tw'amagambo atsindagiye n'amategeko y'igenamajwi yakoreshejwe : **(amanota 8)**
- (a) Kagubari yaguze **udutambaro** twiza.
-
-
- (b) Nuko atangira kuvuza **induru**.
-
-
- (c) **Abana benshi** bamenye gusoma.
-
-
-

IGICE CYA GATATU: UBUMENYI RUSANGE BW'URURIMI (amanota 30)

- 19) Huza inshoberamahanga n'ibisobanuro byazo. **(amanota 5)**
- | | |
|---------------------------|-------------------------|
| Inshoberamahanga | igisobanuro |
| (a) Kwica isari | Kurara utariye |
| (b) Guta inyuma ya Huye | Kutagira uwo wubaha |
| (c) Gushira isoni | Kurya ibiryo bidahagije |
| (d) Kurara ubusa | Guhakanira umuntu |
| (e) Gutera utwatsi umuntu | Kubwira utakumva |
- 20) Tanga igisobanuro k'interuro ukoresheje ijambo ukuye mu dukubo :
- (a) Umusambi urya utubuto. Hano umusambi ni **(amanota 5)**
 (inyoní, icyo bicaraho).
- (b) Yanyoye intama imwe y'amata. Intama ni
 (itungo borora, icyo umira).
- (c) Ujya mu rutoki abanza ikivugirizo. Urutoki ni
 (insina nyinshi, urugingo rw'ikiganza).
- (d) Yituye mu kiraro amira nkeri. Ikiraro ni
 (aho inka iba, icyo bambukiraho ku mugezji).

- (c) Ndumva ijwi ryirangira mu gikombe. Igikombe ni.....
 (icyo banywesha, hagati y'imisozi ibiri)
- 21) Koresha amagambo yabugenewe mu nteruro zikurikira: **(amanota 5)**
 (a) Umukobwa tuvukana yankijije impyisi yari igye kundya.

 (b) Iyi ngobyi irashaje muyijugunye mugure indi.

 (c) Mpereza agati bakoresha bavuza ingoma nge kuvuza ingoma.

- 22) Ica ibisakuzo bikurikira: Sakwesakwe! **(amanota 5)**
 (a) Inka yanje irishiriza mu mishito igataha mu mishito!

 (b) Ndaguteruye ndakwesa, urahindukira urandeba!

 (c) Ko so na nyoko bameze uruhara, inzoga z'ibwami zizikorera nde!

 (d) Mugongo mugari mpekerabana!

 (e) Dusa tudahuje isoko!

- 23) Uzuza imigani y'imigenurano ikurikira: **(amanota 5)**
 (a) karushya ihamagara.
 (b) Igitiki swi umwana.....
 (c) yishe ukuze.
 (d) Ubureraburuta
- 24) Andukura izi nteruro ukosora imyandikire. **(amanota 5)**
 (a) Uku gutwi niko numvisha.

 (b) Mbese urarizwa nuko bakurushije!

 (c) Twasanze na twe tumeze nkabo.....
 (d) Nzajya i muhira ejobundi.....

IGICE CYA KANE : IHANGAMWANDIKO (amanota 15)

25) Ukurikije akandiko gakurikira, uzuza uyu mwirondoro mu mazina ya KEZA
Habimana: (amanota 15)

Ikitonderwa: Kirazira kugaragaza umwirondoro wawe uwo ari wo wose kuri iki kibazo k'ihangamwandiko.

Mu Mudugudu wa Kagina, Akagari ka Ramba ho mu Murenge wa Gatobotobo mu Karere ka Kirambi hatuye umugabo HABIMANA Yozefu washakanye na MUKAKIMENYI Yozefina. Babyaye abana babiri KEZA Habimana wavutse mu mwaka wa 2000 na GANZA Habimana wavutse mu mwaka wa 1998. KEZA Habimana yize amashuri abanza ku Ishuri Ribanza rya Kinazi, ikiciro rusange akiga mu Rwunge rw'amashuri rwa Gataba naho ikiciro cya kabiri akiga mu Rwunge rw'amashuri rwa Nganzo aho yize Ubugenge, Ibinyabuzima n'Ubutabire. Ubu KEZA avuga neza Ikinyarwanda, Igifaransa n'Icyongereza akaba akora mu Iviriro rya Gihinga.

UMWIRONDORO URAMBUYE

Amazina:

Amazina ya data:

Amazina ya mama:

Igihe navukiye:

Aho navukiye:

Akagari :

Umurenge :

Akarere :

Amashuri nize:

Aho nize amashuri abanza:

Aho nize ikiciro rusange:

Aho nize ikiciro cya kabiri:

Ibyo nize:

Umurimo nkora:

Ndemeza ko ibyo maze kwandika ari ukuri,

mbishyizeho umukono:

Bikorewe i ku wa